

Un servu

Un servu tempu fa, di chista chiazza,
cussì prijava a un Cristu, e cci dicìa:
- Signuri, 'u me' patruni mi strapazza,
mi tratta comu un cani di la via;
tuttu si pigghia ccu la so manazza,
La vita dici chi mancu hedi mia;
si jò mi lagnu, cchiù peju amminazza,
ccu ferri mi castija a prigiunia;
undì jò vi preju, chista mala razza
distruggìtila vui, Cristu, pri mia –

risposta del Crocifisso:

- E tu forse chi hai ciunchi li to' vrazza,
o puru l'hai 'nchiuvati comu a mia?
Cui voli la giustizia si la fazza,
né sperì ch'àutru la fazza pri tia.
Si tu si' omu e non si' testa pazza,
metti a prufittu sta sintenza mia:
jò non sarìa supra sta cruciazza,
si avissi fattu quantu dicu a tia.